



Universitätsbibliothek Paderborn

Vera Concilii Tridentini Historia

Contra falsam Petri Suavis Polani narrationem

Pallavicino, Sforza

Antverpiae, 1670

Capvt III. Augustanus Conuentus: & producta ab haereticis suae Fidei
professio.

urn:nbn:de:hbz:466:1-11642

6 Præterea in quadam responsione, eodem anno à Pontifice data
Cæsari Concilium postulanti, tamquam existimatum extirpandæ
hæresi remedium opportunum, habentur hæc verba: *Certus sum, à te,
pro eo ac conscius es meæ in commune bonum voluntatis, minime dubitari,
nullam umquam à me prolationem interponendam.* Quà ratione potuif-
set id à Pontifice ad Cæsarem scribi, si Bononia ipfemet à Concilio
Carolum pro virili dimouisset, atque ad id Gattinarae officia abie-
ctæ implorasset?

7 Progreditur Suavis. Vbi Cæsar ad Augustana Comitia profectus
est, eo animo ut hæreticos adigeret ad obedientiam Ecclesiæ, Pon-
tificem, quò sibi propitium redderet Ferdinandum Regem, indul-
fisse illi Decimas ad bellum in Turcas, quinetiam sacrarum Ædium
argentum & aurum. Quis hominis liuorem non perspiciat? An
non Pontifices debent, aut solent amplissima subsidia concedere ad
repellendos à Christianorum ceruicibus tam horribilis hostis acina-
ces? An non Patres, Theologi, Canonum interpretes ea compro-
bant? Cur igitur in re tam pia, tam iusta, tam necessaria, tam con-
sueta, appingere Pontifici utilitatis propriæ auditatem? Duci quo-
que Sabaudiæ, quò se ab incursionibus hæreticorum Heluetiæ tue-
retur, Legatus missus est cum facultate eadem subsidia largiendi.
Enimvero licentia tam nequiter interpretandi, semel admissa in
quacumque mortalium deliberatione, vtrauis eligatur pars, neutra
vituperationem effugiet.

C A P V T III.

*Augustanus Conuentus: Et producta ab hæreticis
sue Fidei professio.*

1 **A**diit Germaniam Cæsar, Cardinale Campeggio comitante,
cui tanti ponderis Legatio fuerat à Pontifice demandata ob
hominis peritiam de rebus quæ tunc agebantur. Conuenere
Augustam ad Comitia frequentes supra morem Ecclesiastici Prin-
cipes ac profani. Quæ ibi Catholicæ Fidei honorifica contigere,
à Suavi pro suo instituto vel reticentur, vel mendaciis obruuntur.
Nos vero testibus nulli suspicioni obnoxii innitamus; non solùm
• Cocleo qui tunc interfuit vtemur, sed ipsis hæreticis scriptori-
bus, cuiusmodi est Sleidanus, ac præsertim Georgius Cælestinus, • De Actis
illius Conuentus Acta quatuor voluminibus complexus: quam-
quam ipse pariter multa prætermittat parti Catholicæ conducen-
F f 2 tia,

1530.
Vtima Iuli
ann. 1530;
in 2. lib.
Liter. ad
Princip.

* In Confi-
florio 15.
Decembrio,
in Diario ci-
tato Ludo-
viforum.

* De Actis
Lutheri an-
no 1530.

1530.
a Hæc sunt
apud auto-
rem defum-
pta ex 2. li-
bris Archi-
vij Vatica-
ni; altero
Instruc-
tum, altero
cui titulus,
*Adu. VVor-
matia.*
b Legitur a-
pud Golda-
stum hæreti-
cum in 3. to-
mo Constat-
tio. Cæsarxa-
rum.

Legitur a-
pud Cælesti-
num 1. tom.
Histor. di-
cte. Comitia
Augustana.

tia, quæ vel apud ipsum Sleidanum habentur, vel in legitimis^a manu-
scriptis apparent.

Peruenit Augustam Cæsar 15. Iunij, pridie illius diei quo Christi
Corporis solennia recoluntur. Principum, Legatorum, ac Septem-
virorum amplissimo Comitatu deductus Urbem ingressus est ex
præscripto prius editæ b Oeniponti constitutionis; numirum Fe-
dinando fratre, quod Bohemiæ Rex esset (nam alioquin, inquit, non
id requirerem) ad dexteram, & Pontificio Legato ad sinistram equi-
tantibus: plurimas huiusce rei causas adducens, tum ex virilitate
Germaniæ ob aduentum Legati, tum ex prærogativa dignitatis,
quæ illi supra reliquos Principes debebatur. Postridie in pompa
quæ Christi Corpus solenniter circumserebatur, incessit semper
nudo capite sub meridiani solis ardoribus, professus per tam mole-
stum tamque periculosem obsequium suam Fidem de illo mysterio,
quod tot recentes hæretici ibidem astantes perniegabant. Dixi *scilicet*
meridiani solis ardoribus; propterea quod non nisi sub illam horam
functio est inchoata, cum percuperet ad eam Cæsar omnium Prin-
cipum conitatum, & Protestantes se interfuturos negassent, non
superstitiosos esse huiusmodi ritus, quod libello vulgato testati sunt,
affirmantes agnoscere se quidem ibi Christi præsentiam, sed impro-
bare consuetudinem deferendi Sacramenti dimidiati, & non sub
utraque specie, & per eam pompam deducendi, quasi quodam
theatro atque scena; ac proinde nolle se comitatu suo illius ritus
sanctitatem comprobare.

At Saxo, cuius munus erat gladium Cæsareum ante Cæsarem
gestare, adhæsit illi suorum Theologorum parti, quæ sententiam
requebatur tutiorem à temporario incommodo suæ dignitatis, af-
firmavitque, per huiusmodi ministerium exerceri à se quasi ciuilium
quamdam functionem, non item religiosum opus; idque ex au-
toritate Prophetæ Elisei, qui permisera Naamano Syro, vt fe-
rete idolum incuruaret, cum Rex eius brachio innixus genua flecte-
ret. Quod tamen reliqui Principes Protestantes amplecti recul-
runt, memorato libello affirmantes, per integrum ordinem condi-
tionesque illius pompa declarari id tamquam opus sacrum, & non
merè ciuale.

Hinc arripit opportunitatem Suavis agendi furtim cuniculi, quo
serpat quasi pacifica fidelium in mentes doctrina tabificata. Cum de-
beat (illius verba sunt in adducenda Elisei permissione Naamano
habita) per illud exemplum licere cuisque ad conseruandam dignitatem fa-
ctionem, suam seu domini sui gratiam, vel alterius eminentis viri, non
recusat

recusare cuicunque rei operam impendere; cui tametsi alij afferent tamquam religiosa, ipse tamquam civili interesset.

Proposita doctrina quamvis in aliquo sensu, & aliquibus restricta conditionibus vera sit, & à Theologis tradita; tamen generatim affirmata, & cum querimonia incommodorum quæ ex ea omissa orientur, quo pacto à Suaui affertur, laxat aditum, vel Helcenseitarum hæresi, qui negabant obligari quæcumque ad Fidem externis argumentis testandam; vel certe illorum errori, qui fas esse opinabantur, obtemperare legibus Anglorum Regis in adeundis hæreticorum templis, eorumque ibi prædicantibus audiendis, aduersus quam duplice diplomate sanxit Pontifex Paulus V. Et sancè si Martires impegnissent in Magistrum paria cum Suaui opinantem, forsitan haud passi fuissent se trucidari, ne thuribulum attollerent; genique reflecterent, cum ipsis quoque prætendere licuisse, ea non exhiberi tamquam opera religionis, neque ad ea simulacra colenda, sed tamquam simplices motus, qui suapte naturæ id non significant. Quin & Magister usque adeò in ea pacifica doctrina progressi potuisset, ut etiam doceret, absque villa conscientiae offensione fas esse illis exprimere voce cunctas blasphemias sibi à tyrannis imperatas, modo intenderent animo meram exercitationem lingue ac labiorum habere, absque voluntate per eam significandi ullum impium animi sensum. Quod ipsum nisi Deo displaceisset, haud profectò laudem tamquam Heroës mererentur, sed vituperationem tamquam inficij. Verum quidem est, quoties quædam actio ex hominum instituto duplice ad finem, ciuilem alterum, alterum religiosum referri potest, tunc semota fidelium offensione licere eam adhibere spectato solum ciuili, religioso minime comprobato. Huicmodi planè fuit in Naamano genuum submissio, quod dominum brachio fulciret. At verò cum actio quæpiam vel ex condicto, vel ex usu hominum merè ad ritum religiosum refertur, nec appetet in ea villa alia utilitas, cuius causâ fieret, præterquam profiteri per eam foris Religionem quæ intus animo colitur; tunc certè, si ea Religio falsa est ac superstitionis illius actionis exercitatio, quocumque tandem animo fiat, grauis est impietas, & contra Deum perduellio. Eaquæ propter nefas itidem erat parere legi memoratae Anglorum Regis; quandoquidem, tametsi non sit generatim interdictum honesta de causa tempora hæreticorum ingredi, eorumque concessionates audire; tamen id agere ad obtemperandum legi, ea opera tamquam religiosa præcipienti, perinde est ac illa velut talia foris comprobare.

Vide Suauium in defensione,
lib.6. cap.2.
& 9.

230.

Credi posset, Suauem per eas pauculas voces, quas retulimus, si se purgandum apologiam perstrinxisse, ubi non esset vero similium, eum non indigere defensionis, ut qui fortasse animum ab omni Religione liberum gerebat, adeoque vitam poterat agere tutam ab omnibus nota defectionis a sua Religione, ob externam professionem cuiuscumque a se quamvis falso existimatæ.

Inter solemnia sacrificij habita fuit Oratio a Vincentio Pimpinello, Archiepiscopo Posianensi, Pontificis Nuntio, quam sane, niquequò apud Cælestium descriptam non perlustrauit, fateor ne a Suavi deceptum fuisse, illam inanis plenam, & religione vacua arbitratum: tantâ is confidentia scribit, Nuntius ibi de Religione nihil egisse, nisi cum dixit, Si Germani Scipionem Naticam fuissent imitati, populum Romanum, eorumque maiores, in Fide Catholicâ perstituros fuisse; eosdemque stultitiae insimulasse, cum Religionem mutassent, sanctiorem aliquam prudentiorem, non elegissent. Sed postquam eam orationem verbatim perlegi, mihi tempore non possum, quin tantisper a narratione desistam, dum huc calumniæ veritatem opponam.

Agitabatur potissimum in eo Conuentu, quâ ratione vires Germania coalescerent, quibus furori Turcarum obsisterent. Et quoniam Protestantes negabant suam opem se collatuos, plurima sectæ suæ commoda præcepissent; Nuntius instituit tamquam argumento præcipuo, rei magis in præsentia necessaria, & suauis faciliori, spectatis etiam humanis emolumentis, videlicet Germanorum concordia ad imperium hostis adeò formidabilis rependendum. Ac per eam opportunitatem ostendit, quantum ad id operaretur, non eâ conscientia licentia quam Protestantes efflagitabant, sed cunctorum in præstina Fide confusione. Hoc posito, libet illius orationis particulæ aliquot afferre, quibus liqueat, peruenientia Suavis narratione non tam exprimi Oratoris sensa, quam tenebantur offundi.

Non ea, inquit, fuit Senatus populoq; Romano, Gentilibus viris, & vero Dei cultu longe quondam alienis, in seruanda eorum religione, quieties ac perseverendis hostib; patientia: nihil enim melius antiquis auctoribus runt, quam propriis & usitatis ceremoniis eorum Deos fictos placare, & aduersariorum iniurias qualescumque manu, ferro & igne vindicare. Dein vero: At vos Germani, qui Christiani, ac veri & omnipotentis Cultores estis, respectis sanctæ Matris Ecclesie ritibus, maximam hostiæ daciā, facinusq; inauditum, inultum esse patiemini? Romani, Varro Consulem apud Cannas, ob iratam Iunonem ab eo quondam iniuriæ effundit.

Etiam infeliciter dimicasse cum Carthaginensibus crediderunt. At vos Germani, sublati veris Sacrificiis, negatis Christi Mysteriis, adempti à Sacerdotibus auctoritate, eo iusto qui Dominus est exercitum, qui fortis est, & potens in pœnæ, putatis posse vincere, hostesq; præfigare? His sententiis confecta oratio probat per argumentum a minori ad maius, quantum deberet Gens, Imperij Romani heres, suam veram Religio-
nem ex eo tueri, quod ipsorum maiores tam præclara gessissent stu-
dio sive falsæ opinionis. An non eos adhortatur ad pugnandum ita
contra Turcas, ut seipso prius expugnent, Deumq; optimum maximum
placent, quem propitium exceptant, Christiq; Fidem ita componant, ut alte-
ro sine altero fieri posse commode non sperent? An non eos arguit, quod
tuncam illam inconsutilem Christi, multas iam in partes diuisam de-
struant, & ad nihilum redigunt? Quid vera & honestissima Christi dog-
mata, tantorum optimorum Patrum consensu ordinata, & à sanctissimo
Spiritu confirmata, quâdam diabolica persuasione eliminant, & ad scurri-
lia ac impudica queq; deducant? Atque hic adiungit eam sententiam,
quam Suavis adeo deformatam affert: Posteaquam monstrum hoc pa-
rere volebant, meliorem aliquam saltem, prudentioremq; at sanctiorem Fi-
dem induxisserint, ut à vera nostrorum Patrum antiquorum semita, quâ me-
lior inueniri non cunquam poterit, iure quidem, & non stolidè defecissent.
Significans postremis hisce verbis, le per priora (quæ sine subse-
quentium leniimento male proculdubio sonuerint) non postulare
ab iis huiusmodi conditionem uti possibilem; sed ex hoc ipso, quod
ea effici nequiert, cuinci, ipsos citra omnem excusationem declin-
quere, in veteri Religione deserenda. Præterea nonne eosdem ad-
monet eo in bello, non Christianorum sanguinem effundendum, sed bo-
stes Christiani nominis conterendos? Nonne ostendit iis, sublati omni
peccatorum interpretum velo, qui nihil afferunt de suo, sed antiquas opinio-
nes, à sacratissimis quondam Conciliis solo aquatas, in eorum perniciem
iterum reponabant, ac eorum malitia per illos Principes opimos deprecta;
Ciuitatem sanctam Hierusalem, gloriissimi Domini nostri Iesu Christi
Corporis sepulcrum, ceteraque Redemptoris nostri sanguine inspersa, ex ini-
fidelium canum, spurcissimumq; latronum manibus liberanda? Nonne
affirmat, ab aliis patriam, parentes, bona propria; ab ipsis vero
non modo omnia hac, sed Christum ipsum ea bello defendendum? Nonne
concionem absoluit per ardentiissimam implorationem duorum
Principum Apostolorum, ac ipsius Redemptoris; preca-
tus, per apposita Scripturæ verba execrationes e celo in operis tam
egregi turbatores, si amplius obduruissent, & in eosdem amplissi-
ma cæli munera, si ad illum promouendum consentiant? Compo-
natur

orix

Tric

s. 1

V

1530.
• Martialis.• 6. Iulij
1530. in
Diario cra-
to Ludou-
forum.

natur iam hæc vera Oratoris locutio cum eiusdem effigie à Suan delineata: & in eum aptè recidet id quod de pictore vulgari Poëta cecinit, qui Veneris imaginem nequiter pinxerat, huiusmodi ab eo simulacrum fuisse in gratiam Palladii illius æmulæ conformatum. Quin Oratio Pimpinelli tam apta visa est, tantoque excepto plausu, ut Purpuratorum Patrum Senatus decreuerit, Oratore publico nomine commendandum.

Postridie Legatus in Conuentu alteram habuit concionem, in cuius laudem abundè si dicere, eam adeò grauem, adeò piam exiisse, vt Suanus inuidentia nihil in ipsa arguendum reprehenderet. Alio die Principes, ac Ciuitates Protestantes suæ Fidei professum Cæfari detulerunt. Lutheranam exposuit Melanchthon, eiis quez Coburgi accepserat à Lutherò, qui Augustam adductus non est, ne tam aperto despiciat Cæsar offenderetur, eo ante ipsius conspectum obtuso, quem seuerissimo Edicto Wormatiensi proscripterat. Hac Confessio scripto edita, tamquam delapsa de nouo exælo doctrina ab illis habita est; adeoque ipsorum Theologi precepierant subscriptionibus suis signatam offerre, tamquani rectiores Prophetæ. Sed quod grauiss in eo Conuentu pondus obtineret, satius visum est ipsam auctoritate potentiae quam scientia communire.

Hæc est celebris illa *Confessio Augustana*, quæ instar Euangelij perstitit Lutheranis. Dein etiam Zungliani suam attulerunt, quatuor nobilium Ciuitatum nomine, Argentorati, Constantiæ, Memminge, & Lindauij, fuitque artificio exquisito contexta, quo inclusum hæresim asperitatem leniret, Lutheranæque factionis fauorem manifesta oppositione non amitteret. Hinc dissidere ab ea vili est in solo Eucharistiae articulo, quod modò enarratum. Sed Augustana tantummodo famam nacta est, quippe tot Principes complixa, & postea, vt deinceps dicemus, Germania permisla.

Studuit Melanchthon omni ingenij ope inuidiam suæ sectæ detrahere, prætermisis in ea, quantum fieri potuit, opinionibus odiosis & improbatis: quo animaduerso Cæsar atque Conuentus percontati sunt Protestantes, an vlla alia in re a Catholicis discentient: illi verò, re mature deliberatæ, negarunt. Complectebatur ea Confessio unum supra viginti articulos de ipsorum Fide, separato verò de abusibus, quos Romana Ecclesiæ opponebant, quorum numeruli erant: *De Communione sub utraque specie*; *De coniugio Sacerdotum*; *De Missa*; *De Confessione*; *De discrimine ciborum*; *De Votis Monachorum*; *De potestate Ecclesiastica*. Eamden

¹³ Eamdem à Cæsare parti Catholicae communicatam libello scripto confutarunt Cœlius, Faber, & Eckius: ex quo libello demptum est quidquid vel ostentaret contradictionem in Lutheranorum doctrina variis temporibus tradita, ne per eam exprobrationem ad pertinaciam illos irritaret; vel speciem præferret aculei magis quam probationis, adeoque ad exasperandam potius voluntatem, quam ad conciliandam mentem valeret. Admonuit Legatus, ne huiusmodi confutatio scripto, sed solùm voce aduersariis exponeretur; aliter præuidebat, noua eos responsa reddituros, absque ullo contentionis exitu, citraque Sedis Apostolicæ dignitatem, dum ex æquo cum suis rebellibus certamen iniret: quin eosdem singulas syllabas cauillatuos; & si quidquam quantulumcumque minus solidum offendissent, traducturos in ludibrium apud vulgus vniuersam Ecclesie doctrinam & auctoritatem, perinde ac si libellus ille Oecumenici Concilij scita complectetur. Haud parum institerunt haeretici, ut cum ipsi doctrinam suam scripto tradidissent, scripto pariter responsonem acciperent: id Cæsar constanter negavit, nisi pollicerentur, se responsonem illam nemini communicaturos, nisi prius obtentâ ipsius facultate: quaæ conditio ab iisdem recusata.

CAPUT IV.

*Congressus inter Catholicos & hereticos habiti iussu Cæsaris;
& Edictum in Conuentus exitu promulgatum.*

C Arolus, ubi coram Protestantibus confutatio lecta est, eos ad veterem communemque doctrinam amplectendam hor-tatus, septemdecim Catholicos, partim Principes, partim Oratores delegit, quibuscum agerent. Fredericus Palatinus facun-dâ oratione concordiam suasit. ^a Illi post bidui consultationem se quatuor rationibus excusarunt: Prima fuit, ^b Se haud satis auditos à Cæsare, prout indictum fuerat cum eò accerserentur: Secunda, Si bi non fuisse scripto traditam aduersariorum responsonem: tercia, Non posse ab ipsis illam recipi, conscientia reclamante: quarta, Non fuisse Concilium coactum; quod Spiræ statutum fuerat.

^a Eius summa est apud Sledanum lib. 7. anno 1530.
^b Vide Co-cleum soprà citatum.

² Ad hæc Palatinus communi nomine respondit. Ad primum, Fuisse humaniter à Cæsare auditos, & coram se, & per libellum, eosque amplius auditum iri, si quid aliud essent allaturi. Ad secundum, Permissum à Cæsare, ut non semel ipsis responsa recitaren-tur, non tamen ut ex scripto traderentur, satis quippe memoriam reti-

Part. I.

G g nebat